

Comunu de
Sètimu
Tzitadi Metropolitana de Casteddu
Pratza Sandro Pertini n. 1 09040 Sètimu



C.F. 80004000925
Tel. 070 76911 Fax 070 765687
giassu: www.comune.settimosanpietro.ca.it
pec: protocollo@pec.comune.settimosanpietro.ca.it

S'unioni fait sa fortza!

Sa giorronada de vacinatzioni po is tzitadinus de Mara e Sètimu, a nche su Palatzetu de su Sport de Mara, est acabau.

Mancai a primìtziu c'est stètiu calincunu strobù, chi at fatu stentai s'inghitzu de is vacinatzionis, s'arresultau est positivu meda.

Funt stètius fatus totus is 306 vacinus cunsinniaus da s'ATS, ma pruschetotu, si funt vacinadas categorias de personas chi, mancai de diora teniant diritu a si vacinai, non ddu iant ancora fatu, po mori de strobùs personalis dèpius a sa difficultadi cun sa prenotazioni telemàtica o po mori de is difficultadis po trantziri conca a is HUB de Casteddu e de Quartu.

Su bellu arresultau de oi est dèpiu a sa collaborazioni profetosa intre s'Aministratzioni comunali de Mara e de Sètimu, cun su coordinamentu de s'Arretza "Ad Adiuvandum" chi, gràtzias a s'acòrdiu cun sa Regioni de Sardigna, at pòtziu improntai una màchina organizativa manna, chi fai parti s'Esèrcitu Italianu impari a àterus Assòtzius, chi ant assegurau unu traballu profetosu.

Si praxit marcai chi totus is personas chi ant traballau oi, da is mèigus, a is infermieris, a is bolontàrius de a Protetzioni Tzivili e de sa Misericòrdia, ddu ant fatu a gratis, cun su sentidu de sa solidariedadi manna ca depit movi totus, po ndi bessiri in deretura da custu impestu.

Bollu torrai gràtzias a s'Aministratzioni Comunali de Mara, rapresentada da sa Sìndaca Francesca Fadda e sa Professora Mòngiu de s'Arretza ad Adiuvandum, cun totus is bolontàrius postus a disponimentu.

Unu gràtzias de coru, po s'agiudu de importu, andat a is Assòtzius de bolontariau de su territòriu, pruschetotu su MaSiSE e sa Misericòrdia de Sètimu.

Cumentu a Sìndigu de Sètimu bollu torrai gràtzias a is mèigus e infermieris bolontàrius ca ant postu a disponimentu, a indonu, sa professionalidadi insoru, renunziendi a is pagus oras de tempus liberu o a sa famìllia insoru, po agiudai sa comunidadi nosta. 🙏

Sàbudu chi benit torraus a fai, eus a comunicai intra de calincuna diri is modalidadi de addisioni a is vacinatzionis.